

ZAPISNIK

sa trećeg sastanka Savjeta za ekonomski razvoj Grada Bihać održanog dana
29.09.2015. godine u Bihaću sa početkom u 13⁰⁰ sati

Sastanku su prisustvovali:

1. Nijaz Lipovača, Koordinator BFC Tima
2. Kemal Hrnjić, direktor mljekara Meggle doo Bihać Otoka, predsjednik Savjeta
3. Adem Ibrahimpašić, Predsjednik Udruženja poslodavaca USK-a
4. Smail Nuhčić-EUROING doo Bihać
5. Nedin Dedić- ILMA doo Bihać
6. Smail Čeliković-Ljekovito bilje Čeliković
7. Nihad Hodžić- AMANITA doo Bihać
8. Refik Huseinbašić-SANI GLOBAL doo
9. Edin Ljubijankić-KOVAČEVIĆ TRANS doo
10. Članovi BFC Tima Grada Bihać

Sastanak je u 13⁰⁰ časova otvorio gđin. Nijaz Lipovača, koordinator BFC Tima koji je prije same prezentacije naglasio značaj i potrebu osnivanja Savjeta za ekonomski razvoj Grada Bihać, i obavijestio prisutne o pristupanju Grada Bihać projektu certificiranja povoljnog poslovnog okruženja (BFC).
Nakon toga uslijedila je kratka prezentacija.

Upoznao je prisutne da je za Predsjednika Savjeta za ekonomski razvoj imenovan Kemal Hrnjić i izrazio svoje zadovoljstvo što se na čelu Savjeta nalazi direktor tako značajne firme.

Kemal Hrnjić, Predsjednik Savjeta za ekonomski razvoj:

Pozdravio je prisutne i zahvalio se gradskoj upravi na ukazanom povjerenju da bude predsjednik Savjeta među tako značajnim članovima uzimajući u obzir činjenicu da je Savjet sastavljen od najeminentnijih osoba iz sektora privrede grada Bihaća. Podržao je osnivanje Savjeta imajući u vidu da konkurencija podstiče saradnju i razvoj. Potvrdio je da se u Bihaću mora još toga uraditi da bi se stvorila bolja poslovna klima i osvrnuo se na veoma lošu infrastrukturu i stanje cesta a pogotovo u djelu grada gdje se nalaze najveće firme i kompanije. Iznio je potrebu da Bihać ima svoju marketing kampanju gdje će se hvaliti svojim preduzećima a sad se čini kao da ih se stidi. Također bi se obavezno trebala postaviti privredna signalizacija u gradu u skladu s evropskim standardima i da je taj prijedlog dosta puta predlagao ali se nije pomaklo s mrtve tačke. Neophodno je ubrzati proces dobijanja raznih dozvola u gradskoj upravi, na koje se čeka mnogo vremena i tako se koči napredak preduzeća i nova zapošljavanja. Gradska administracija zapošljava na taj način ako se ranije dobiju razne dozvole to znači 1-2 mjesta više.

Poziva prisutne da se uključe u komentare oko BFC certifikacije.

Adem Ibrahimpašić, Predsjednik Udruženja poslodavaca

Takođe upozorava na čekanje dozvola ali posebno na jako visoke cijene renti, naknada, komunalija te da je potrebno napraviti komparaciju cijena sa gradovima koji su po veličini slični Bihaću u okruženju i BiH. Uraditi to za narednu sjednicu, kako bi se to razmotrilo i vidjelo kako poboljšati stanje. Navodi kako je u pojedinim gradovima cijena tih renti i naknada minimalna u odnosu na Bihać, i da je ta razlika katastrofalno velika, a na štetu privrednika u Bihaću. Treba grad napraviti primamljivim za investitore a ne da administracija

živi na račun privrednika. Ne treba tjerati investitore visokim naknadama. Treba grad napraviti primamljivim za investitore a ne da administracija živi na račun privrednika. Ne treba tjerati investitore visokim naknadama. Poslovno okruženje treba biti takvo da mi svi budemo konkurentni jedni drugima.

Neđim Dedić, d.o.o.ILMA Bihać

Potvrđuje riječi predhodnika, da se radi o veoma visokim naknadama i da se pri kreiranju budžeta uglavnom vodi računa o punjenju budžeta a ne o olakšicama za privrednike. To se radi da se nebi diralo u građane i njima uvodili nameti, najlakše je uvesti namete firmama. Svi privrednici se žale posebno na takse za odvoz komunalnog otpada. Predlaže da se napravi uvid u profitabilnost mnogih preduzeća u Bihaću od kojih mnogi zarađuju ogroman novac koji izvlače iz grada a ne ostavljaju ga u njemu (dao je primjer banaka). Reforme treba ubrzati, kako bi se povećala dobit privatnog odnosno realnog sektora u kojem su skoro duplo manje plate nego u državnom sektoru, po čemu je BiH jedinstvena u Evropi.

Nijaz Lipovača, koordinator BFC Tima

Evidentiraćemo zahtjeve privrednika za potrebnim unapređenjima i procijeniti šta je izvodivo na lokalnom nivou. Potrebna unapređenja na višim nivoima će takođe biti evidentirana i usmjerena prema višim nivoima kada se steknu uslovi za to.

Dogovoreno je da se za slijedeći sastanak identifikuju problemi sa kojima se privrednici suočavaju (uporediti probleme sa potrebnim unapređenjima za dobijanje BFC).

Zaključci:

1. Podržana je potreba kontinuiranog rada Savjeta za ekonomski razvoj grada Bihaća
2. Uraditi tabelarno poređenje naknada, renti i komunalija grada Bihaća kojim opterećuju privrednike sa sličnim opštinama i dobitnicima BFC certifikata, za slijedeći sastanak koji bi bio održan polovinom novembra 2015. godine.
3. Da se sve takse i naknade ne mjenjaju, dok ovaj Savjet to ne razmotri i da na Vijeće idu izmjene i poboljšanja.
4. Da se na sljedećoj sjednici Savjeta nađu i kompetentne osobe iz gradske uprave koje su zadužene za takse i naknade i daju objašnjenje privrednicima šta to sve oni plaćaju i zašto, i da na narednoj sjednici učestvuje što više članova Savjeta.

Na slijedećem sastanku Privrednog savjeta će se definisati prioriteti za unapređenje i dogovoriti razrada plana unapređenja.

Sastanak je završen u 14:00 sati.

Zapisnik vodila: Svjetlana Kurbegović, tehnički sekretar BFC Tima Grada Bihać

